

下期
預告

Mini Cream
Baby Doppy
儲物櫈



特別版

A



特別版

B



怪獸萬用袋
(兩款選擇)

ay vol.666
\$12
版 一書兩冊

9095
00022



SPORT
HIGHLIGHT

極運
boarding

迷耀

男人三十要

BREAKOUT

en

面部控油
減價攻略

newmondayplus

Lee 美式「工夏」
Air Jordan III Oregon Ducks 別注過萬
Quiksilver Amphibians 兩棲類 boardshorts
adidas adizero 系列「零」舍快

極品珍藏 香港首個 Leica 拍賣會
上海直擊 Sony 6吋巨芒手電 Xperia Z Ultra

福山雅治「伽俐略」轉性
台灣閃靈 女團長性感 Metal!

博物館出土 450萬成交

呢部為慶祝汶萊國王50歲生日時製嘅Leica M6相機，拍賣成交價近450萬港元。相機係1995年面世，屬非賣品，係汶萊國王為慶祝自己生日訂製嚟送俾朋友。點解咁珍貴？全因只係部 sample 機，特別配備1支 Summilux-M 1.4/35mm ASPH 鏡頭。由於係 sample，所以 Leica 都想好好保存，因而放喺博物館，直到2003年擺番出嚟，我哋先有機會目睹廬山真面貌。



機背刻上汶萊國王50歲生日嘅祝福字句同出生日期。

拍賣價：\$800,000

成交價：\$4,484,000



頂編號「HB-000」，代表佢係部 sample 機，非賣品。而咗顯貴氣，重鑲嵌咗粒鑽石。



叫得 M6 汶萊國王特別版，點少得汶萊國旗？細心睇，原來汶萊國旗圖案設計都幾複雜，帶點阿拉伯味道。



有 sample 機先配上呢支焦距35mm，大光圈1.4靚鏡。正版就用咗 Summilux-M 1.4/50mm，焦距更遠，改得更實。



機身皮革包裹，質感好舒服，好似摸住高級手袋，汶萊國王真識貨。

NIGO 力撐 Leica

有邊個唔鍾意 Leica？但我肯定潮人必愛。

前 A BATHING APE 創意總監 NIGO 相信都幾愛，《ibought》第2期就見到佢去到新開嘅銀座 Leica 鋪，重不斷摸住部 Leica 唔願放。如果佢知道香港有呢部 M6 汶萊國王機，唔知會唔會出手投走佢？



瑞典皇家軍機


IIIg Black Paint「Swedish Army」

Leica 以往係為軍隊或戰地記者而製作相機，因為當時佢哋先係最主要用家。而 Leica 嘅極佳質素，成為軍隊首選。

呢部 IIIg 係瑞典皇家軍隊喺1960年向 Leica 訂製。由於批相機係軍用機，所以刻有瑞典皇家3皇冠標誌，亦令佢獲得3皇冠版 (3 CROWNS) 嘅稱號。作為軍用機，而家收藏家最愛嘅就係呢類經歷歲月痕跡，甩甩咁漆嘅先有 feel，收藏價值會更高。



拍賣價：\$280,000
成交價：未達保留價



皇冠標誌刻喺機背同鏡頭，機背位呢個唔難搵圖，鏡頭就刻喺焦距上，好易走漏眼。但可以喺咁嘅地方刻上標誌，造工的確高超。



Leica 用得一定係靚鏡，IIIg 跟機係 Elmar 2.8/5cm，雖然影唔到試相，但從鏡身保存得咁靚，連字同刻度都睇得一清二楚，就知佢依然影到相。



作為戰時相機，要有番啲「戰績」先型仔。呢部機雖有甩漆，但又甩得咁好，起碼睇到機身嘅數字。

粹粹相機

IIIc Grey

粹粹德軍相機原來亦有，呢部 IIIc 相機屬德國炮兵所用，機身灰色，襯晒納粹恐怖右將來嘅感覺。但配件唔多，只有相機套，應該只俾軍人簡單影相之用，愈簡單愈好，反正唔需要好似攝影咁講究。最驚訝反而係可以保存完好，真係用咩方法可以 keep 到咁新？



機背清楚睇到德國粹粹標誌，隔離嘅「Artl.」意思不明，但應該同德國炮兵有關。



拍賣價：\$38,000
成交價：\$165,200

極罕原型機

IIIIf/IIIg Chrome Prototype

原型機由於得1至2部，重要最後完成品完全唔同，數量稀少而帶動價值。Leica 當年為生產 IIIg 相機時，曾整咗1部原型機，將取景框加大，機背嘅測距同取景器二合為一。

另外，重有紅色刻度顯示、閃光燈同步。呢部原型機嘅產量不明，或者僅有1部。



拍賣價：\$280,000
成交價：\$2,832,000




拍賣價：\$8,000
成交價：\$23,600

快速換鏡利器

OROLF Tri-lens Turret

行軍打仗，戰況瞬息萬變。隨團嘅攝影師槍都冇支，又要影相，但當年冇自動變焦相機，換鏡必須手動。為咗加快換鏡速度，就出現咗呢個名為OROLF Tri-lens Turret嘅工具，將相機套於背部固定後，就可以快速選取前方嘅3個鏡頭轉換圈，可更換M2同M3嘅鏡頭，快過換子彈！



拍賣價：\$4,000
成交價：\$9,440

黃金起家顯微鏡

Leitz Microscope

Leica其實係製作顯微鏡起家，元祖公司Leitz時代就曾生產顯微鏡。由黑漆同銅組合製作而成，外殼呈現好閃眼嘅金黃色。另外，重有出產證書同1個原裝木盒俾你妥善放置。



搞得過 本港 Leica 拍賣會

Leica拍賣會全球已舉辦唔少，作為收藏品，實在好平常。但今次有啲特別，因為係香港公司首次自己搞嘅拍賣會，要集合全球Leica收藏家嘅珍品，再搞拍賣，聽落去好似好困難。不過，Leica古董相機拍賣呢個市場其實非常發達，由M6汶萊國王特別版成交價近450萬，就知市場幾咁大。

呢屆拍賣會總共拍賣198件產品，成交逾2,300萬港元。咁大支強心針，搞呢次拍賣會嘅仕宏拍賣，決定1年搞2次。Leica咁多機，亦愈嚟愈多勁機被發掘，小市民如我就算買唔起，睇下了解下都幾過癮。

仕宏拍賣

資格：任何人有住址證明同香港身分證都可以登記參加競投。

查詢：3168 2188



卓少如
拍賣公司總監

市場大 春秋2季拍賣會

Leica生產過無數相機，古董Leica拍賣會非新鮮事。但香港要多搞，難度嘅邊呢？仕宏拍賣負責人卓小姐話，最難係時間同鑑定。佢哋用咗2年時間喺全球收集，大部分都係歐洲。雖然收集咗唔少，不過想搵產量少嘅原型機亦具難度，重要逐部鑑定，睇顏色、功能，又要幾個月時間。但係，最後有收藏家又會因價錢問題而退出，充滿變數。

困難多、競爭大，可幸大中華市場充滿潛力，所以佢哋決定每年於春同秋兩季舉行拍賣。